



Broj: 02-11-5501/21-1
Sarajevo, ~~07-12-2021~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova I, imenovana rješenjem broj: 10-45-137/21 od 21.07.2021. godine, u daljem tekstu: Komisija, u postupku javne nabavke internetskih usluga – LOT 1 usluge korištenja web hostinga, putem otvorenog postupka, (Zapisnik o pregledu i ocjeni ponuda broj: 02-11-5501/21-1 od 30.11.2021. godine), Opštinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača **"BH TELECOM" d.o.o. Sarajevo, ul. Franca Lehara br.7, Sarajevo**, broj: 08.2.1-38-402802-1/21 od 10.11.2021. godine, za nabavku internetskih usluga – LOT 1 usluge korištenja web hostinga, u ukupnom iznosu od **14.976,00 KM bez PDV-a** odnosno **17.521,92 KM sa PDV-om**.
- II.** Ugovorni organ će sa izabranim ponuđačem zaključiti Okvirni sporazum na period od 3 (tri) godine, kojim će regulisati međusobna prava i obaveze u vezi predmetne nabavke, shodno zahtjevima ugovornog organa i zakonskim propisima.
- III.** Ova Odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem iste ponuđaču, shodno članu 70. stav (6) Zakona.

Obrazloženje

Otvoreni postupak nabavke internetskih usluga pokrenut je Odlukom Opštinskog načelnika o pokretanju postupka broj: 02-11-5501/21 od 19.10.2021.godine. Postupak nabavke je objavljen na portalu javnih nabavki, broj obavještenja o nabavci: 848-1-2-168-3-127/21 od 20.10.2021. godine i ispravka obavještenja broj: 848-1-2-168-8-134/21 od 26.10.2021. godine. Procijenjena vrijednost nabavke za predmetni lot iznosi 15.000,00 KM bez PDV-a.

U određenom roku za predaju ponuda dana 11.11.2021. godine do 12,00 sati, za predmetni lot nabavke dostavljena je 1 (jedna) ponuda ponuđača „BH TELECOM“ d.d. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude kako slijedi:

r/b	Ponuđač	Ukupna cijena u KM bez PDV-a	Popust %/KM	Ukupna cijena u KM sa popustom i PDV-om
1.	„BH TELECOM“ d.d. Sarajevo	14.976,00	/	17.521,92

Nakon izvršenog javnog otvaranja ponude, na zatvorenom sastanku Komisija je izvršila pregled dokumentacije priložene uz ponudu u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponude u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je konstatovano da je ponuda sačinjena potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Komisija je izvršila računsku kontrolu dostavljene ponude i pri tome nije pronađena nijedna računska greška.

Predviđena E-aukcija u predmetnom postupku neće biti održana obzirom da je u postupku nabavke dostavljena samo jedna prihvatljiva ponuda.

Komisija je u daljem radu donijela jednoglasnu odluku da se Opštinskom načelniku dostavi

PREPORUKA O PRIHVATANJU PONUDE

Ponudača „**BH TELECOM**“ d.d. Sarajevo, ul. Franca Lehara br.7, Sarajevo, za nabavku internetskih usluga – LOT 1 usluge korištenja web hostinga, sa ukupnom cijenom ponude u iznosu od **14.976,00 KM bez PDV-a odnosno 17.521,92 KM sa PDV-om**, te će se sa istim zaključiti okvirni sporazum na period od 3 (tri) godine.

Nadalje, Opštinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona.

Žalba se podnosi u dovoljnom broju primjeraka, a koji ne može biti manji od 3 (tri).



Prilog: Zapisnik o pregledu i ocjeni ponuda
broj: 02-11-5501/21-1 od 30.11.2021.godine

DOSTAVITI:

1. Ponuđaču:
 - „BH TELECOM“ d.d. Sarajevo, ul. Franca Lehara 7, Sarajevo
2. Službi za javne nabavke, zajedničke poslove i informatiku x2
3. Službi za finansije
4. Arhivi